

Aspetu importante ida tan ne'ebé tulun ita atu refleto katak Jezús dehan Ha'u... no ema, husu tuir: "Na'i, wainhira los mak ami haree Ita Boot...". Jezús mak prezente iha ema seluk. Bainhira Maromak hakiak ema, Nia hakiak tuir Ninia ilas, nune'e, la'ós de'it katak ita mak hatudu buat ruma kona-ba Maromak, maibé Maromak Nia Oan rasik, sai ema hanesan ita: moris iha ita leet, hanesan ita, to'o pontu katak Nia husik "ita" oho Nia.

Wainhira imi halo buat ne'e ba ha'u nia alin kiik sira ne'e ida, imi halo mai Ha'u rasik.

Iha grupu, oratorianu sira bele koko atu "inventa" dialogu ida entre sira no ema hamlaha, ka dadur, ka... hodi hanoin katak ema ida ne'e mak Maromak nia ilas.



Nu'udar **Orasaun finál:**

bele lee fali pasajen Mateus nian, hafoin ida-idak bele halo interseasaun espontanea sira hodi foti inspirasaun husi aiknanaik no hahalok domin nian ne'ebé Jezús hatudu iha Ninia moris.

Ez: Na'i, Ita hadomi ema hotu, hodi la konsidera sala sira ne'ebé sira halo, maibé ami ta'uk atu hakbesik ema dadur sira no ami la hatene fó sasin kona-ba Ita-nia laran-luak.

Mt 25,31-46

Introdusaun ba ANIMADÓR sira

Durante Kuarezma, Kreda husu ba sarani sira atu moris ho klean aspetu ruma importante liu: peniténsia, orasaun no karidade. Pasajen ne'ebé ita sei refleto ho oratorianu sira hatudu ho modun konketu oinsá ita bele moris tuir karidade. Ita bele uza pasajen ida ne'e atu halo ezame de konsiénsia, tanba tulun ita atu komprende saida mak Maromak hein husi ema ne'ebé dehan katak tuir Nia.

Atu komprende di'ak liu pasajen ida ne'e, ita presiza refere ba buat ne'ebé Jezús dehan iha "Diskursu Foho nian", bainhira Nia haktuir Rahun di'ak sira. Buat hotu ne'ebé Nia dehan iha momentu ne'ebá bele rezume iha fraze ida: "Buat hotu ne'ebé imi hakarak ema halo ba imi, imi mos sei halo buat ne'e ba sira; basa ida ne'e mak ukunfuan no Profeta sira" (Mt 7,12). De fatu, buat hotu ne'ebé Mateus hakerek iha kap. 25, kona-ba juizu finál no kriteriu ne'ebé Maromak sei uza atu tesi lia ba ema sira. Ohin ita sei lee ita-nia pasajen hodi hanoin ba fraze no kontestu ida ne'e.



Husi Evanjellu

³¹“Wainhira Oan Mane mai iha nia gloria ho nia anju sira hotu, Nia sei tur iha nia kadunan gloria nian. ³²Povu hotu sei halibur an iha nia oin. Nia sei haketak ema sira hanesan bibi atan haketak bibi malae husi bibi Timor. ³³Nia sei tau nia bibi malae iha nia sorin kuana, bibi Timor iha nia sorin karuk. ³⁴Tuir mai, liurai sei dehan ba sira ne’ebé iha nia sorin kuana: ‘Mai, imi ne’ebé Ha’u Aman fo bensa, mai simu nu’udar liman rohan reinu ne’ebé hadia hela ba imi houri mundu hahú. ³⁵Basa Ha’u hamlaha, imi fo han Ha’u; Ha’u hamrook, imi fo hemu Ha’u; Ha’u la’o rai, imi simu Ha’u; ³⁶Ha’u isin tanan, imi fo hatais Ha’u; Ha’u moras, imi ba haree Ha’u; Ha’u iha dadur laran, imi ba haree Ha’u.’ ³⁷Iha oras ne’e ema di’ak sira sei hatan ba Nia: ‘Na’i, wainhira los mak ami haree Ita Boot hamlaha, ami fo han; hamrook, ami fo hemu? ³⁸Wainhira los mak ami haree Ita Boot la’o rai, ami simu; eh ho isin tanan, ami fo hatais? ³⁹Wainhira los mak ami haree Ita moras eh iha dadur laran, ami ba haree?’ ⁴⁰Liurai sei hatan ba sira: ‘Ha’u dehan lialos ba imi: wainhira imi halo buat ne’e ba ha’u nia alin kiik sira ne’e ida, imi halo mai Ha’u rasik.’” ⁴¹“Tuir mai, Nia sei dehan ba sira iha nia sorin karuk: ‘Imi hadook an husi Ha’u ho malisan ba ahi rohan laek ne’ebé hadia hela ba diabu ho nia anju sira. ⁴²Basa Ha’u hamlaha, imi la fo han Ha’u; Ha’u hamrook, imi la fo hemu Ha’u; ⁴³Ha’u la’o rai, imi la simu Ha’u; Ha’u isin tanan, imi la fo hatais Ha’u; Ha’u moras, Ha’u iha dadur laran, imi la ba haree Ha’u.’ ⁴⁴Sira mos sei husu: ‘Wainhira mak ami haree Ita Boot hamlaha ka hamrook, la’o rai ka isin tanan, moras ka iha dadur laran, ami la tulun?’ ⁴⁵Iha oras ne’e, Nia sei hatan ba sira: ‘Ha’u dehan lialos ba imi: wainhira imi la halo buat ne’e ba kiik oan liu sira ne’e ida, imi la halo mai Ha’u.’ ⁴⁶Sira ne’e sei ba hetan terus rohan laek, sira ne’ebé di’ak sei ba hetan moris rohan laek.”

REFLESAUN kona-ba KARIDADE

Iha pasajen ida ne’e, Jezús la ko’alia de’it kona-ba kriteriu ne’ebé Nia sei aplika atu komprende se ema ida hala’o ninia moris hodi tuir Jezús nia ain-fatin ka hodi buka ninia interese de’it, maibé Nia apresenta mós karakteris-tika Maromak nian, saida mak importante ba Nia.

Kona-ba ita-nia hahalok karidade nian : importante hatene katak buat ne’ebé Jezús dehan iha aiknanoik, hebreu sira tenke moris tuir nu’udar asaun laran-luak nian. Nune’e, Jezús la husu buat ruma ne’ebé foun ka oin-seluk, Nia tuir tradisaun judeu sira nian ho radikalidade. Jezús repete ho aspetu pozitivu no negativu hahalok hanesan de’it

Hamutuk ho oratorianu sira prepara surat-tahan buat iha ne’ebé hakerek lista kona-ba ema nia presiza:

- ♣ Ha’u hamlaha
- ♣ Ha’u hamrook
- ♣ Ha’u la’o rai
- ♣ Ha’u isin tanan
- ♣ Ha’u moras
- ♣ Ha’u iha dadur

Fahe oratorianu ba grupu sira no grupu ida-idak koko atu hakerek ba kategoria ida-idak:

- Iha imi-nia hela fatin, imi bele hetan ema ho karakteristik sira ne’e (hamlaha, hamrook...) iha ne’ebé?
- Iha ainanoik Jezús dehan ona saida mak presiza halo ba ema sira ne’e, maibé, oinsá ita bele halo?
- Ita hatene fahe sira-nia esperiênsia hanesan Amo Papa Francisco propoin ba Kuarezma ida ne’e?

Fó tempu 15/20 minutu atu grupu ida-idak bele elabora ninia resposta.

Grupu ida-idak sei fahe sira-nia proposta (hodi lee, ka halo drama badak, ka hananu knananuk ida...), hafoin, animadór sei halo sira komprende katak abanbairua, Maromak sei tesi lia ba ita, conforme se ita moris tuir hahalok laran-luak nian ne’e, hodi simu ita iha Lalehan.

